



**Bosna i Hercegovina
Parlamentarna skupština
Bosne i Hercegovine
Dom naroda**

Broj:02-011-419/01
Sarajevo,24.07.2001.godine.

**Z A P I S N I K
sa sedme sjednice Doma naroda Parlamentarne skupštine BiH, održane
24.07.2001.godine.**

Sjednica je počela sa radom u 10:00 sati.

Sjednicu je sazvao i otvorio g.Ilija Šimić, predsjedavajući Doma naroda Parlamentarne skupštine BiH, i konstatovao da je prisutno 14 delegata.

Pored delegata Doma naroda sjednici su prisustvovali članovi Vijeća ministara BiH, predstavnici međunarodnih organizacija i javnog informisanja.

U raspravi o dnevnom redu učestvovali su Jerko Ivanković, Sejfidin Tokić, Dragutin Ilić, Momčilo Novaković, Ibrahim Spahić, Halid Genjac, Dragutin Rodić, Šefik Džaferović, Nikola Špirić i Ivo Divković. Nakon rasprave i svih intervencija predsjedavajući je dao na glasanje dnevni red koji je jednoglasno usvojen i konstatovao da je za šestu sjednicu usvojen sljedeći

D N E V N I R E D :

1. Usvajanje Zapisnika 5. sjednice Doma naroda Parlamentarne skupštine BiH
2. Prijedlog zakona o praznicima Bosne i Hercegovine - predlađač izaslanik Sejfidin Tokić (drugo čitanje)
3. Prijedlog zakona o izmjenama i dopunama Zakona o Vijeću ministara Bosne i Hercegovine - predlađač Vijeće ministara BiH (drugo čitanje)
4. Prijedlog zakona o udrugama i fondacijama Bosne i Hercegovine- predlađač Vijeće ministara (drugo čitanje)
5. Prijedlog zakona o vanjskotrgovinskoj komori BiH - predlađač Vijeće ministara (drugo čitanje)
6. Prijedlog Zakon o konkurenciji - Vijeće ministara (prvo čitanje)
7. Zahtjev za razmatranje zakona po hitnom postupku (član 99. Poslovnika Doma naroda (Predlađač Vijeće ministara):
 - a) Prijedlog zakona o zaštiti potrošača u Bosni i Hercegovini
 - b) Prijedlog zakona o industrijskom vlasništvu u Bosni i Hercegovini
 - c) Prijedlog zakona o autorskom pravu i drugim srodnim pravima u Bosni i Hercegovini
 - d) Prijedlog zakona o izmjenama i dopunama Zakona o carinskoj tarifi Bosne i Hercegovine
 - e) Prijedlog carinske tarife Bosne i Hercegovine
8. Informacija o organizaciji i kadrovskoj situaciji u DKP mreži MIP BiH
9. Informacija o stanju u oblasti imigracije i azila - Vijeće ministara

10. Godišnji izvještaj Centralne banke BiH za 2000. - Centralna banka

11. Davanje saglasnosti za ratificiranje:

- a) Sporazum između Bosne i Hercegovine i Rumunije o unapređenju i recipročnoj zaštiti investicija - Predsjedništvo BiH
- b) Sporazum o unapređenju i zaštiti investicija između Bosne i Hercegovine i Republike Makedonije - Predsjedništvo BiH
- c) Sporazum između Bosne i Hercegovine i Republike Hrvatske o načinu korištenja i održavanja željezničke pruge Bihać-Knin i odobravanju nadzora od strane državnih graničnih tijela- Predsjedništvo BiH
- d) Ugovor o određivanju graničnih prelaza između BiH i Hrvatske - Predsjedništvo BiH
- e) Sporazum između Vijeća ministara Bosne i Hercegovine i Vlade Republike Hrvatske o saradnji u zaštiti od prirodnih i civilizacijskih katastrofa (Predsjedništvo)
- f) Sporazum o uspostavljanju Međudržavnog vijeća za saradnju između Bosne i Hercegovine i Savezne Republike Jugoslavije (Predsjedništvo)

12. Informacija o međunarodnoj saradnji, s težištem na boravak naše delegacije u Strazburu

13. Odgovori na delegatska pitanja, delegatska pitanja i inicijative.

Ad.1. Usvajanje Zapisnika 5. sjednice Doma naroda Parlamentarne skupštine BiH

Zapisnik sa pete sjednice Doma naroda je usvojen jednoglasno. Primjedbi nije bilo.

Ad.2. Prijedlog zakona o praznicima Bosne i Hercegovine - predlagač izaslanik Sejfudin Tokić (drugo čitanje)

U raspravi o ovoj tački dnevnog reda učestvovali su u ime predlagača Sejfudin Tokić kao i delegat Ilić Dragutin. Delegat Nikola Špirić je uložio tri Amandmana na prijedlog zakona koji su odbijeni. Predsjedavajući je dao na glasanje prijedlog zakona u cjelosti. Deset delegata je glasalo Za a tri delegata su glasala Protiv. S obzirom da nije bilo potrebne entitetske većine predsjedavajući je konstatirao da Prijedlog zakona ide na usaglašavanje.

Ad.3. Prijedlog zakona o izmjenama i dopunama Zakona o Vijeću ministara Bosne i Hercegovine - predlagač Vijeće ministara BiH (drugo čitanje)

U raspravi o ovoj tački dnevnog reda učestvovali su Sejfudin Tokić, Dragutin Rodić, Ibrahim Spahić i Šefik Džaferović. Delegat u domu naroda Sejfudin Tokić je uložio amandman na prijedlog zakona koji je usvojen sa osam glasova za i tri glasa protiv i koji je postao sastavni dio teksta prijedloga zakona. Nakon završene rasprave predsjedavajući je dao na izjašnjavaње prijedlog zakona sa usvojenim amandmanom. Osam delegata je glasalo Za a tri delegata Protiv. S obzirom da Prijedlog zakona nije dobio potrebnu entitetsku većinu Prijedlog zakona ide na usaglašavanje.

Ad.4 Prijedlog zakona o udrugama i fondacijama Bosne i Hercegovine- predlagač Vijeće ministara (drugo čitanje)

U raspravi o ovoj tački dnevnog reda učestvovali su Momčilo Novaković i Ivo Divković. Delegat Nikola Špirić je podnio dva amandmana na Prijedlog zakona od kojih nije nijedan prihvaćen. Prilikom glasanja o prijedlogu zakona u cjelosti osam delegata je glasalo Za a tri delegata Protiv i pošto nije bilo entitetske većine Prijedlog zakona ide na usaglašavanje.

Ad.5. Prijedlog zakona o vanjskotrgovinskoj komori BiH - predlagač Vijeće ministara (drugo čitanje)

U raspravi o ovoj tački dnevnog reda učestvovao je Momčilo Novaković. Delegat Nikola Špirić je podnio šest amandmana koji su odbijeni. Predsjedavajući je dao na glasanje prijedlog zakona. Sedam delegata je glasalo Za a tri delegata su glasala protiv. Zakon nije dobio entitetsku većinu i ide na usaglašavanje.

Ad.6. Prijedlog Zakon o konkurenciji - Vijeće ministara (prvo čitanje)

U raspravi su učestvovali delegati Ivo Divković, Dragutin Ilić, Momčilo Novaković i Šefik Džaferović. Delegati su jednoglasno sa deset glasova za usvojili Prijedlog zakona u prvom čitanju.

Ad.7. Zahtjev za razmatranje zakona po hitnom postupku (član 99. Poslovnika Doma naroda (Predlagač Vijeće ministara):

- a. **Prijedlog zakona o zaštiti potrošača u Bosni i Hercegovini**
- b. **Prijedlog zakona o industrijskom vlasništvu u Bosni i Hercegovini**
- c. **Prijedlog zakona o autorskom pravu i drugim srodnim pravima u Bosni i Hercegovini**
- d. **Prijedlog zakona o izmjenama i dopunama Zakona o carinskoj tarifi Bosne i Hercegovine**
- e. **Prijedlog carinske tarife Bosne i Hercegovine**

U raspravi o ovoj tački dnevnog reda niko nije učestvovao. Svi prijedlozi Zakona idu na usaglašavanje da li da se razmatraju po hitnom postupku. Prilikom glasanja za: **Prijedlog zakona o zaštiti potrošača u Bosni i Hercegovini** šest delegata je glasalo za, tri protiv i jedan suzdržan tako da nije bilo potrebne entitetske većine i ide na usaglašavanje, **Prijedlog zakona o industrijskom vlasništvu u Bosni i Hercegovini** šest delegata je glasalo za, tri protiv i jedan suzdržan tako da nije bilo potrebne entitetske većine i ide na usaglašavanje, **Prijedlog zakona o autorskom pravu i drugim srodnim pravima u Bosni i Hercegovini** pet delegata je glasalo za, četiri protiv i jedan suzdržan tako da nije bilo potrebne entitetske većine i ide na usaglašavanje, **Prijedlog zakona o izmjenama i dopunama Zakona o carinskoj tarifi Bosne i Hercegovine** sedam delegata je glasalo za a tri protiv i nije bilo entitetske većine i Prijedlog ide na usaglašavanje, **Prijedlog carinske tarife Bosne i Hercegovine** sedam delegata je glasalo za a tri protiv i nije bilo entitetske većine i Prijedlog ide na usaglašavanje.

Ad.8. Informacija o organizaciji i kadrovskoj situaciji u DKP mreži MIP BiH

U raspravi su učestvovali delegati Dragutin Ilić, Momčilo Novaković i zamjenik ministra Ivica Mišić. Informaciju su delegati Doma naroda prihvatili jednoglasno.

Ad.9. Informacija o stanju u oblasti imigracije i azila - Vijeće ministara

U raspravi su učestvovali delegati Momčilo Novaković i Ibrahim Spahić. Ispred Vijeća ministara BiH Domu naroda se obratio ministar Krešimir Zubak. Delegati Doma naroda su jednoglasno prihvatili informaciju o stanju u oblasti imigracije i azila.

Ad.10. Godišnji izvještaj Centralne banke BiH za 2000. - Centralna banka

Uvodnu riječ je podnio Guverner Centralne banke BiH Peter Nikol. U raspravi su učestvovali delegati Jerko Ivanković, Munib Jusufović, Dragutin Rodić, Dragutin Ilić, Sejfudin Tokić, Momčilo Novaković i Ibrahim Spahić. Delegati su jednoglasno prihvatili Godišnji Izvještaj Centralne banke BiH.

Ad.11. Davanje saglasnosti za ratificiranje:

- a) **Sporazum između Bosne i Hercegovine i Rumunije o unapređenju i recipročnoj zaštiti investicija - Predsjedništvo BiH**
- b) **Sporazum o unapređenju i zaštiti investicija između Bosne i Hercegovine i Republike Makedonije - Predsjedništvo BiH**
- c) **Sporazum između Bosne i Hercegovine i Republike Hrvatske o načinu korištenja i održavanja željezničke pruge Bihać-Knin i odobravanju nadzora od strane državnih graničnih tijela- Predsjedništvo BiH**
- d) **Ugovor o određivanju graničnih prelaza između BiH i Hrvatske - Predsjedništvo BiH**
- e) **Sporazum između Vijeća ministara Bosne i Hercegovine i Vlade Republike Hrvatske o saradnji u zaštiti od prirodnih i civilizacijskih katastrofa (Predsjedništvo)**
- f) **Sporazum o uspostavljanju Međudržavnog vijeća za saradnju između Bosne i Hercegovine i Savezne Republike Jugoslavije (Predsjedništvo)**

Delegati Doma naroda su jednoglasno i u paketu dali saglasnost za ratifikaciju Sporazuma.

Ad.12. Informacija o međunarodnoj saradnji, s težištem na boravak naše delegacije u Strazburu

U raspravi o ovoj tački dnevnog reda učestvovali su delegati Sejfudin Tokić, Halid Genjac, Ibrahim Spahić. Predsjedavajući Doma naroda Parlamentarne skupštine BiH je zaključio raspravu o ovoj tački dnevnog reda sa konstatacijom da su delegati Doma naroda primili k znanju informaciju o međunarodnoj saradnji.

Ad.13. Odgovori na delegatska pitanja, delegatska pitanja i inicijative

Predsjedavajući je upoznao delegate da je stigao odgovor na delegatsko pitanje koje je postavio delegat Ivo Divković sa kojim je delegat Divković zadovoljan.

Ibrahim Spahić je uputio dva pitanja: prvo Ministru za evropske integracije BiH, od koga traži da se obrati Parlamentu BiH sa osvrtom na pripreme i planove BiH kao kopredsjedavajuće Drugog radnog stola ekonomske suradnje i razvoja Pakta stabilnosti BiH, drugo pitanje je traženje odgovora i mišljenja Predsjedništva BiH oko amandmanskih promjena koje je podnio delegat Ibrahim Spahić.

Delegat Šefik Džaferović je uputio inicijativu gdje traži informaciju koliko je delegacija imenom i prezimenom putovalo u inostranstvo i gdje, po kom osnovu, ko je donosio odluku o tome, koji su rezultati i koliko je koštalo.

Sjednica je završila sa radom u 14:00 sati.

Neautorizirani transkript čini sastavni dio zapisnika.

Sekretar
Doma naroda
Jadranko Tomić s.r.

Predsjedavajući
Doma naroda
mr. Ilija Šimić s.r.